

p. 6 L. 6+15【業障發相、對治門】《釋禪波羅蜜次第法門》卷4：「明惡業障道發相。亦有三種：一沈昏闇蔽障。二惡念思惟障。三境界逼迫障。…今約此五不善法。即合為三障。前三毒即為習因。煩惱障。等分之中覺觀亂法。即是麤四陰故。名為報障。三種障道。即為業障。何以知之？由過去造惡。未來應受惡報。即以業持此惡。若行者於未受報中間而修善者。善與惡乖。業即扶惡而起。來障於善。故知即是業障。如是三障。障一切行人禪定智慧。不得開發。故名為障。」(T46, p. 502, a15-b9)《六妙法門》卷1：「云何知病？所謂三障：一者報障。即是今世不善、麤動散亂障界入也。二者煩惱障。即三毒十使等諸煩惱也。三者業障。即是過去現在所起障道惡業。於未受報中間。能障聖道也。行者於坐禪中。此三障發。當善識其相。用此法門。對治除滅。云何坐中知報障起相？云何對治等？分別覺觀心。散動攀緣諸境。無暫停住。故名報障起。浮動明利。攀緣諸境。心散縱橫。如猿猴得樹。難可制錄。爾時行者應用數門。調心數息。當知即真對治也。故佛言。覺觀多者。教令數息。二者於坐禪中。或時其心亦昏亦散。昏即無記心。闇即睡眠。散即心浮越逸。爾時行者當用隨門。善調心隨息。明照入出。心依息緣。無分散意。照息出入。治無記昏睡心。依於息治覺觀攀緣。三者於坐禪中。若覺身心急氣麤。心散流動。爾時行者當用止門。寬身放息。制心凝寂。止諸憶慮。此為治也。復次云何煩惱障起？云何對治？煩惱有三種：一者於坐禪中。貪欲煩惱障起。爾時行者當用觀心門中九想。初背捨。二勝處。諸不淨門。為對治也。二者於坐禪中。瞋恚煩惱障起。爾時行者當用觀心門中慈悲喜捨等。為對治也。三者於坐禪中。愚癡邪見煩惱障起。爾時行者當用還門。反照十二因緣、三空、道品。破折心源。還歸本性。此為治也。復次云何對治障道業起？業即三種。治法亦三。一者於坐禪中。忽然垢心昏闇。迷失境界。當知黑闇業障起。爾時行者。當用淨門中念方便淨。應身三十二相。清淨光明。為對治也。二者於坐禪中。忽然惡念思惟貪欲。無惡不造。當亦是過去罪業所之作也。爾時行者當用淨門中念報佛。一切種智。圓淨常樂功德。為對治也。三者於坐禪中。若有種種諸惡境界相現。乃至逼迫身心。當知悉是過去今世所造惡業障發也。爾時行者當用淨門中念法身本淨。不生不滅。本性清淨。為對治也。此則略說六門對治斷除三障之相。」(T46, p. 551, a20-b28)

p. 6 L. -5【十佛】【十身】(一)如來所得十身：又稱行境十佛。即1菩提身、2願身、3化身、4力持身、5相好莊嚴身、6威勢身、7意生身、8福德身、9法身、10智身。此十身同於華嚴宗所立的行境十佛：正覺佛、願佛、業報

佛、住持佛、化佛、法界佛、心佛、三昧佛、性佛、如意佛。(二)融三世間十身：又稱解境十佛。即十地中第八不動地菩薩所知的十種類別。即指眾生身、國土身、業報身、聲聞身、辟支佛身、菩薩身、如來身、智身、法身、虛空身。(X22, p. 860, a4-9)

p. 7 L. 1【**魔事**】《圓通章疏鈔》卷 2：「問：念佛佛現。亦有魔否？念佛所發善根。亦有魔作否耶？」(X16, p. 386, a22-23)《阿彌陀經疏鈔》卷 4：「問。臨終佛現。亦有魔否。答：古謂無魔。脫或有之。貴在辨識。【鈔】無魔者。單修禪定。或起陰魔。如楞嚴、止觀。諸經論中辨之甚悉。今謂念佛者。佛威神力。佛本願力。大光明中。必無魔事。然亦有宿障深厚。或不善用心。容有魔起。固未可定。須預辨識。如經論說。行人見佛。辨之有二：一。不與脩多羅合者。是為魔事。二不與本所修合者。是為魔事。所以然者。以單修禪人。本所修因。唯心無境故。外有佛現。悉置不論。以果不協因故。今念佛人。一生憶佛。臨終見佛。因果相符。何得槩為魔事。若或未能了決。但如前辨別察識而已。」(X22, p. 665, a19-b6)《阿彌陀經疏鈔演義》卷 4：「不與修多羅合者。修多羅中謂。應身有三十二相。八十種好。報身有八萬四千相。相有八萬四千好。若相好之數。或多寡不定。悉為魔事。不與本所修合者。如本所觀西方之佛。今佛從東來。唯觀坐相。今見臥相等。」(X22, p. 779, a17-21)

p. 7 L. 2+5【**六四+六五**】《圓通章疏鈔》卷 2：一約心境久速。二約煩惱輕重。(X16, p. 386, b3-12)《釋禪波羅蜜次第法門》卷 3：「行者見如是種種好相及發諸善心者。此非禪定。多是過去今生。於散心中修諸功德。今以心靜力故。得發其事。見諸相貌。悉屬報因相。現善心開發。皆是習因善發也。…復次發習報兩因。行人根性不同。自有行人。但發報因相。不發習因善心。自有行人。但發習因善心。而不發報因之相。自有行人。具發習報兩因。自有行人。二俱不發。如是等事。因緣難解。豈可謬釋。問曰：散心善根。何得於靜心中現？答曰：於禪定中尚得見過去今生所起煩惱惡業。何況善根扶理而不得見！問曰：見此等諸相。亦有是魔所作不？答曰：亦有是魔所作。若欲分別。但魔名殺者。若此等相發時。能令行人心識動亂。或復增諸煩惱。逼迫障蔽。眾多妨難。不利定心。悉是魔之所作。其善根發者。行人自覺。見此相已。雖復未證禪定。而身心明白。諸根清淨。身有色力。所為吉利。善念開發。因此已後。自覺心神易可攝錄。身心安隱。無諸過患。當知此為

善根發相。復次。若此等事。善根發者。報因之相。則暫現便謝。習因心善。則相續不斷。若是魔作相。則久久不滅。雖謝更來逼亂行者。善心則暫發還滅。或時變成惡念。當知邪也。復次邪正之相。甚為難測。自非親近明師。非可妄取。問曰：此諸善根為當一向前發。亦得證諸禪時於深定中發也？答曰：此事無定。未必一向定前見也。外善既麤。故先明耳。」(T46, p. 494, c11-p. 495, a9)

p. 7 L. 9【邪正未了】出處為《釋禪波羅蜜次第法門》卷3：「以法驗知邪正者。自有邪禪。其相微細難別。與正禪相似。非則相之所能別。應以三法驗知。一定心研磨。二用本法修治。三智慧破析。」(T46, p. 498, a29-b3)

p. 7 L. 16【三種力】《阿彌陀經》：「其人臨命終時。阿彌陀佛與諸聖眾。現在其前。」《阿彌陀經疏鈔》卷4：「【疏】其人。指持名者。承上但能一心不亂。命終之時。佛必現前也。以自力佛力。感應道交故。」(X22, p. 664, c12-13)「【鈔】今專念佛。一心不亂。則淨念成就。清淨心中。寧不佛現前乎。楞嚴云。憶佛念佛。現前當來必定見佛。是也。…華嚴四十六經云。如來有十種佛事。一者若有眾生專心憶念。則現其前等。所謂念佛眾生。攝取不捨。是也。若依般若。則自力復二：一者念力。二者本有佛性力。兼以佛攝取力。乃成三力。本有如舟船。念佛如帆楫。佛攝取如便風。三事周圓。必登彼岸矣。」(X22, p. 664, c17-p. 665, a10)《阿彌陀經疏鈔演義》卷4：「本有佛性力者。真如內熏力也。真如內熏。人人皆然。今不得此力者。如木有火。不假鑽燧。火終不現。雖具真如。不藉師友教誨。真如亦不現也。」(X22, p. 778, c15-17)

p. 7 L. -11【六八】《圓通章疏鈔》卷2：(1)法說。(2)喻明。不遠者。

現前見—「事念」見他佛：先色身相佛。後法身真佛。

「理念」見自佛：先分證覺佛。後究竟覺佛。

當來見—「事念」見他佛：先化身佛。後報身佛。

「理念」見自佛。則先本覺佛。後妙覺佛。故云去佛不遠。

不假方便—約「事」。念佛法門即勝異方便。何假餘方便門以助顯我本性也。

約「理」。念佛即是念心。心佛無差。自他不二。豈離唯心自佛而假心外他佛作方便耶。

自得心開：以念佛心。入佛知覺。圓滿菩提。歸無所得。(X16, p. 386, c13-22)

約「事」：佛果成證。約「理」：覺體圓顯。所謂但得見彌陀。何愁不開悟是也。」

p. 7 L. -11【香光莊嚴】《圓通章疏鈔》卷 2：「以如來法身香光。莊嚴自心本覺如來。」(X16, p. 387, a6-7)《楞嚴經指掌疏》卷 5：「襲近於香。被香所熏。自然身有香氣。與彼去佛不遠。蒙佛護念。自然心開見佛。事理相類。故以為喻。據此。則念佛三昧亦可名香光莊嚴。以念佛者去佛不遠。蒙佛光莊嚴其心。亦如樂香者。襲近於香。被香光莊嚴其身故。」(X16, p. 181, c11-15)《楞嚴經正脈疏》卷 5：「三昧名。亦法門名。不離觀佛念佛。以佛法身香光莊嚴自性佛也。」本會版 p. 741

p. 7 L. -9【六九】經文：「我本因地，以念佛心，入無生忍。」《圓通章疏鈔》卷 2：「心者。述己念佛。非用分別意識而念。乃六根都攝。一心不亂念也。…上句能修證。此句所悟證。謂以真正淨念。除滅邪妄濁想。內想不起。外境自寂。內外法空。一切無生。仁王云：一切法空。得無生忍。又無生忍亦得名無滅忍、無住忍。華嚴云。無生忍者。不見有少法生。亦不見少法滅。何以故？若無生則無滅。若無生滅則無住處。」(X16, p. 387, c6-24)

《阿彌陀經疏鈔》卷 1：「承上殊因妙果。正繇念佛至於一心。則念極而空。無念之念。謂之真念。又念體本空。念實無念。名真念也。生無生者。達生體不可得。則生而不生。不生而生。是名以念佛心。入無生忍。如後教起中辯。故知終日念佛。終日念心。熾然往生。寂然無往矣。」(X22, p. 606, b11-15)

《阿彌陀經疏鈔演義》卷 1：「念極而空。約修邊說。念體本空。約性邊說。無念之念。是終日無念。終日念佛也。念實無念。是終日念佛。終日無念也。又此二義亦乃相須。由念極而空。方知念體本空。工夫不到。不悟本體也。又由念體本空。方得念極而空。本體不空。縱念不空也。…又生即念念生滅。此生滅妄心。本自虛妄。無有實體。故云體不可得。達者。悟心之本空也。既悟心空。則終日念佛。終日無念。生而不生也。終日無念。終日念佛。不生而生也。生而不生則生元不可得。不生而生則不生亦不可得。是真無生也。故云以念佛心。入無生忍。」(X22, p. 712, b6-20)

《大方廣佛華嚴經》卷 44〈29 十忍品〉：「菩薩摩訶薩有十種忍…何者為十？所謂：音聲忍、順忍、無生法忍、如幻忍、如焰忍、如夢忍、如響忍、如影忍、如化忍、如空忍。…云何為菩薩摩訶薩無生法忍？佛子！此菩薩摩訶薩不見有少法生，亦不見有少法滅。何以故？若無生則無滅，若無滅→無盡→離垢→無差別→無處所→寂靜→離欲→無作→無願→無住→無去無來。是名：菩薩摩訶薩第三無生法忍。」(T10, p. 232, b6-26)《華嚴經疏》卷 46：「正無生時。諸義頓足。以是即事之理。非斷滅故。即理之智。無能所故。」(T35, p. 853, b15-16)